

紫峴山人全集

紫峴山人詩集卷六

湘潭張九鉞度西著

姪孫家斌重刊

吳越集

乾隆乙亥

癸酉之歲先生家岳代周方伯撰明遠樓詩序選橘洲兄詩文蹤跡顯然無詩可紀疑西泠遺失稿卽此二年及丁卯以後四年詩乙亥訪望溪先生讀書處往返吳越經年一時騷人學士多與唱酬著吳越集其曰西湖結夏吟者卽集中浙西諸作非專集也

將遊吳越辭家作

春水接吳天門前萬里船將尋李白去東望一茫然好夢夜頻入
故人書久傳紅蘭開不盡已下洞庭煙

渡洞庭湖

船如天上坐森森太湖開打鼓黃陵廟招僊白鶴臺九江爭雪入
萬木踏風來休上高樓望吾非杜甫才

望君山

二妃愁欲出湘水一何深日上數峯色風吹斑竹林明霞天鏡外
青草墓門陰更莫聽山鷓蒼梧不可尋

金口哀族伯經宅先生

已乏黔婁婦難爲董祀郎文章餘一塚兄弟死他鄉金口當年樹
斜陽宿草荒飄零羣弟子愁斷陸家莊

懷胡牧亭太史

美人去漢水羅襪浚波光三載不可見青苔聞暗香別時贈玉佩
袖裏化鴛鴦莫作朝雲散長嗟秋葉黃

舟中望廬山

誰將廬山高思傲廬山謠太白手提大元氣紛紛萬古徒揮毫昔
年霽雪官亭上凌晨面目驚相向雕鏤雲氣爲小詩對公力盡敢

偃強乙丑過南康曉望五老峯雲氣今年乘漲浮江來連宵江霧密作堆舟師急
呼好晴靈蒼然忽割瑤曾開屏風疊轉飛鳥背力鬪不讓吁雄哉
潯陽九派浩呼洶楚吳一氣青崔嵬倒垂天星浸南斗別洗絳闕
金銀臺香爐夕陽生紫煙冥冥瀑布珠簾懸扁舟不繫亦不旋浣
筆誰圖孟浩然平生愛讀青蓮句十載匡君揖來去何時尋得六
朝僧徑訪白頭讀書處

甘棠湖煙水亭

湖亭何所有一半是匡君嵐色分煙水人家抱郭雲魚蝦多伴侶
竹木亦清芬底事青衫容琵琶不可聞

望九華山

九峯爲九子各捧碧蓮花靈氣浮江水神光散海霞將尋杯渡處
一問羽人家松雪不知路遙天歸暮鴉

蝶磯靈澤夫人祠

鳩茲猶是漢山川，廟樂何殊蜀國絃。
步障明珠來嫁日，黃陵斑竹殉身年。
東歸已分填精衛，西望終能拜杜鵑。
向晚靈旗飛撼撼，天風劍佩想魂旋。

汪京門訪我於任典煌宅同外弟梁慎菴飲

不得汪倫見，江東虛此來。
恰尋任昉宅，同上孝侯臺。
淮水當階碧，鍾山對酒開。
休陳當日事，只合且銜杯。

秦淮舟中同京門

秦淮柔五月，絃管競香潮。
君獨吹長笛，邀余坐板橋。
揀花濃拂樹，荷葉淺迎橈。
好把青鞵綻，尋僧愛寂寥。

同京門慎菴登雞鳴寺望後湖

游事既踟躕，故人况蕭閒。
出門恁怳指，何處涼風吹。
出雞籠山雞

鳴環上雞鳴寺秀壓臺城布初地螺旋磴道杳靄間朱夏陰陰樹
交翳琳宮鏡閣足盤桓休問蘭陵家國事兩城嵐錦天爲磨亂滴
青溪瀉丹翠沉沉下俯元武湖削不見底凌虛無覆舟樂游互蕩
漾天光破碎雲氣孤夕陽澆澆鳧鷖散倒影百尺珠浮圖昆明池
與儲胥館卽今一片荒蒲菰卻瞻鍾山晨雨後濃綠巖阿露八九
烏陣斜連建業長鐘聲直挾岷江走金棺徙去王舍空惟餘雙關
朝牛首坐關逸興忽翻飛欲攀絕頂四無依蔣侯笑人且東下深
秋當許窮煙霏白門晚色彌鮮新隔離荷菱香飄巾歸途那用籠
燈照踏碎長街月似銀

望長干寺塔

涼雨洗金碧江山合沓蒸神龍扶縹帶天女貫珠繩獨愛孤標迥
誰當絕頂升夜來看彩色風閃半城燈

雨花臺

路出小長干，高臺磴幾盤。長江飛鳥外，鍾阜暮雲端。樹色交城吐，

人家帶塔攢。天花身不著，已入畫圖看。

會爲金陵故人題
雨花遠眺圖一闕

木末亭拜方正學先生墓

謀國皆龜錯，摧鋒少亞夫。殿廷飛憤血，天地凜真儒。十族刑雖誤，孤忠事不愚。墓祠依木末，夜夜有啼烏。

一作殿廷
慚大義

入永甯寺

郊路涼風迥，禪關夏日陰。山香行處變，泉意坐來深。客散知茶味，僧閒出梵音。喜他金粉窟，蕭瑟此園林。

同任玉占冶城道院聽吳道士吹簫

南朝容易近黃昏，且聽簫聲過古園。老鶴長松陶監院，澹煙疏草謝公墩。悠揚那覺迴花影，節拍何須記豆痕。我讀離騷增遠望，不

將乞食到吳門

高座寺

高座談經處，紗櫺一院陰。
斜陽無客到，六代閉門深。
龍象緣荒籬，蠅蟻送遠音。
如何法王界，運亦有升沉。

烏龍潭訪望溪先生讀書處

莽莽一江流，鍾山出素秋。
六經餘顯氣，萬古此書樓。
地占閭煙水，

人關大去，醜嗟余生太晚。
無淚托西州。
先雲沙伯父同先生秦淮文會氣韻最擊甄齋天門

兩兄皆秀門下

汪九觀旂邀同沈大儼齋泛舟秦淮

大江五月潮入城，秦淮愛之柔無聲。
南朝金粉洗不盡，煙光柳色難爲情。
汪生載酒緩蘭漿，綠萍紫荇隨來往。
通溪湖水縠紋生，倒影鍾山白雲上。
秦淮漸狹風漸波，西舫東船簇綺羅。
畫樓珠箔交

明娥落花紛紛紅雨多白日欲下遲如何燈枝橫天管絃急明月
沈沈照不入鼓聲似欲翻秦淮老魚吹浪街涎立燈炮更深那得
曙迴船促槳迷歸路小姑祠外石橋梁江令門前烏柏樹誰知楚
客惜良辰月落烏啼又別津汪生醉臥沈生去一曲秦淮愁殺人

山陰潘筠軒學士自大梁返招同汪九觀旂沈大儼齋集

冶城寓軒

美人天際留不得飄零反作長干客大江不洗宮錦袍仍帶玉堂
舊顏色三花攜出少室山梁園詞賦爭追攀歸來黃金快手盡笑
對文君眉黛寒謝公墩前一招手爲余吹笛秦淮口叱散南朝爨
屨人隔林呼到王曇首東山何必攜絲竹讀畫論文豪亦足薰風
繞室汎紅蘭斜日搖樽鳴翠木前楹移席杯縱橫更闌涼露下不
驚蔣山明星落四五月華欲向東南傾昨夜天雞啼一聲引我天

姥峰頭行鏡湖荷花三百里中有山東狂李生先生只說鏡湖好
但有鱸魚蹄及早明日相思京口舟他時並馬山陰道

予將遊浙東

青溪

青溪舊王謝寂寂到如今橋浸萍花合風吹楊柳深宜人正斜日
鍾阜半晴陰休唱烏飛曲筇篻何處尋

訪詩人朱草衣不值

江南朱處士最近謝公墩老樹斜依屋遙山青到門此時岸烏帽
何地倒清尊蠟屐還相約秋風吹古原

登石頭城作歌

石城騎虎出大江鯨波蹴踏勢不降雄都天險外蟠鬱羣山拱列
羅旌幢秦淮一線繞衣帶鍾阜嵐色流淙淙翠微亭子踞其勝白
雲出入青瑤牕盤旋灑氣幾千里天風吹我芒屨雙山川誰許英

雄有淋漓今落吾曹手，去留浩蕩無前期。也合當之一杯酒，君不見袁粲死彥回，生可憐石城怨不平。茂宏驚病逸峰距，取節終自慚公卿。休文孝穆工禪冊，詞章羞殺齊梁名。恢宏風流喪節義，南朝人士千秋輕。那須彤勝笑銷歇，偏安事業無經營。又不見握拳透爪卞忠貞，當時鄙喜譏荒僭。至今墓門雙闕撐空晴。

一 拂祠

一 拂熙甯去，蕭然臥在茲。監門圖涕淚，周禮誤瘡痍。黃葉清涼路，秋風薜荔碑。半山築第者，老悔亦何爲。

戲作莫愁湖曲

不聽白門烏，銷魂柳幾株。今朝來送客，又過莫愁湖。

友人載酒出石頭，城泛舟觀音山下登。燕子磯入宏濟寺，
作

觀音山勢橫西北大翮排風撐建業岷江決滂瀉其前截斷東南
天半壁迴濤怒撲燕子磯翠壑丹崖相蕩擊鯨湖五月平涼雨一
棹穿城出蘆渚主人滿載碧蒲萄酒徒爲我招三五牕櫺盡撒空
四維鬱鬱何懷快傾吐那須攄笛與撈箏相與沉沉搗大鼓鼓聲
徑打晴嵐開羣峯蹴踏奔江來層巖錯磨二千丈結作紺宇蓮花
臺五馬渡江嗟典午誰向山頭開幕府楚囚無淚滴新亭中原指
頓旌旗舉清談朝野扇風流從茲王氣埋終古抗懷獨立倚闌干
冥冥飛鳥去不還四十餘帝三百載何人當此雄江山祗令龍蟠
虎踞地蟲沙猿鶴居其間微鐘出寺斜陽歇沉醉狂歌在寥泬今
宵枕簟借江流起望海門弄珠月

吳氏園中六朝松石歌同京門作

園在瓦官寺後爲前明中山王族萬竹園故地

金粉窟空蒿萊臙脂土荒蕻苔萬竹之園安在哉何况六朝渺渺
一片昆明灰吾不知三松胡爲若茲雄柔肌碧玉柯青銅攫蟄虬
爪交拏風團團燒夜虎魄紅石亦各不讓牙角吐倔強隱現仇池
小有天偃佺來往青羊訪怒叱陳宮三品封共成偃蹇荒唐狀當
時作園隣瓦棺種松壘石規峰繼風門雷穴良師造舞鳳翔鸞巧
匠盤縱其百步流蘇幃護之十尺沉香闌一邱一壑供娛賞若傲
華林結綺歡朱門錦邸難長守陵谷變遷餘培塿松石酣嬉若不
聞自炫玲瓏自蚶螺雪霜摧剝只尋常四時賓客圍詩酒豈真神
鬼相護持微物天慈鍾獨厚君不見華陽良嶽搜奇珍散漫郊原
亦何有又不見平泉松風醒酒石載出江南落誰手托根每荷主
人憐芳名終藉賢臣壽

石上有司馬溫公題紫煙二字

范一回首

王孟亭先生於筠軒學士坐上見余詩謬承獎借將約秋

深爲棲霞之游賦謝卻以志別

打鼓石頭城鼓聲鬱律舟不行中有秦淮輪囷礪落之詩歌橫風
吹湧桃葉水白銀宮闕閃爍而嵯峨壯哉相州老太守燈船一掉
墨一斗酒酣八代起長煙虹蜺騰霄電挾手蔣侯騎出黑雨急花
竿墮地化蝴蝶小姑七絃咽以澀都官騎省讀不得掃向沈生之
雪壁於沈儼齋壁上見先生秦淮狂生昔年來葉落三山門不見
舊王謝岸幘歸湘濱雞鳴一聲後湖白翻身重下青溪宅山陰內
史一招之歌碎銅琶裂瑤笛先生顧之嘆且咨李白死千年世上
無此辭殘山剩水焉足惜當以萬古懷沈滌金粉色攝山幽邃包
晴霞中峯矗立青蓮花大開巖前絕險處丹泉匹練懸谿徯長江
浩洶飄履烏句曲隱現三茅家送君去待君來深秋紅紫一萬樹

斜陽繡滿寶華臺，相與支筇恣登眺。衣衫攜滿香雲回，再呼雙丸作髻者。淋漓痛飲三百杯，杯前茫茫瀉海月。抽帆且與先生別。

汪京門任典煌送至幕府山下

一帆同出石頭城，賈帶青山傍酒行。古寺雲飛歌吹夢，大江雨湧別離聲。垂楊遠近皆愁路，蓮葉東西見客情。但有秋風吾亦返，穹天關踏空晴。

金山同外弟梁慎彝作

浮空片石作孤汀，帳殿參差駕杳冥。墟湧古今來日月，江從天地乞丹青。煙邊鶴鶴行相引，夢裏蛟龍踏不醒。稍待秋風同信宿，且當殘酒酌中泠。

舟過焦山

海勢西來江蹴東，三峯踴躍共爭雄。乾坤盤踞青冥外，神鬼嬉娛

世代中潮氣遙飛吳死日鐘聲橫入潤州風乘空欲上焦先宅安
得仙人五彩虹

潤州城下作

渺渺青山鐵甕城旌旗不動鳥飛輕江關誰設南徐險天塹猶蟠
北府兵古寺過鐘涼樹出斜陽帶雨晚潮平百年海上孫盧靜伐
荻洲前不識名

入慧山

穿盡秦園積石陰九龍山色畫森沈湖天淼淼塔浮去花氣濛濛
人坐深細竹幽禽銷旅思清泉文甃定禪心買田陽羨非吾願長
荷軍持入曉尋

贈甯都丁南阿三首

金精臥不得亦未嫁長沙獨訪靈威洞來看茂苑花迴塘仙吏市

修竹寓公家以此同鸞鶴相將入紫霞

最近錦帆涇吳宮秋草青吹簫人偶至慷慨幾回聽將鼓香溪棹

同登放鶴亭三千扁諸劔不爲闔廬高

司馬臨功婦東方宛若君先生非好色女子亦能文並舫尋花出

看箋帶淚分高樓有殘笛淒切越城墳南阿發天台陳氏女名齊清工詩有隔隣有高樓秋

風畏殘笛句傳誦吳中不數年歿南阿葬之石湖上即越城故地

寓滄浪亭二首

鳥聲啼樹合晏坐卽香臺時有落花雨冥冥山翠來魚行穿藻上

人影度橋開稍得濠梁趣無須把釣迴

遷謫夫何恨遺亭有數椽疏狂由飲食文字得山川木石憑誰助

風流祇共憐從來皋庶下能重五噫賢

南禪寺遲了南阿

古寺穿林入重陰六月含遙天盤塔上秀木與城參客豈逃禪者
情因選勝諳白雲如舊識相待坐珠龕

舟入閩門

樓臺萬人海香水各分潮柳色淺深外紅關四百橋孤行乘興得
歌舞爲誰驕門卒休相問生涯一酒瓢

朱大鑑堂自吳門返武林織部幕訂余爲西湖之遊

一唱烏栖曲吳宮不可留美人將落月飛出采香洲我亦吹長笛
因之過秀州言尋浣紗侶同訪舊粧樓

申織部祐菴先生以書見招

知我豪狂者長安舊綺裘浮踪聊角里好夢定杭州與月相尋醉
蓬山便可留荷花三十里繡滿越人舟

家棧注角音蘇俗作角字誤

之武林過吳江作卻寄南阿

夜酒別吳宮，香溪逐曉風。芙蓉三十里，秋水倒垂虹。但信歌聲遠，無由野趣同。抽帆謝高士，已過笠湖東。

由松毛場夜行投昭慶寺

越山多夕霏，望望已昏黑。舍舟尋泉源，涼風湖路得。酒燈行漸繁，長松亦分擘。塘近水香聞，橋闊花氣識。平湖寂不容，星河動秋色。顯煙沉碣中，微覺露下白。琳宮何森沈，諸天借偃息。一夕夢虛明，晨當事舟楫。繫一作系

越北山遊栖霞黃龍諸洞遂至西溪

清風散火雲，宿露猶瀼瀼。曉爲洞府尋，未覺穢葛涼。栖霞旣謁罷，黃龍亦幽藏。秀天割窟宅，古雪灑衣裳。升降白玉階，穿嵌蓮花房。僧飯飽伊蒲，散髮臥乳床。忽愛西溪聲，透池歷邨莊。杭稻被川原，秋錦謝眾芳。奇石交蕩曳，表裏皆湖光。不待梅花來，何以陳壺觴。

遙峯欲憐人贈之松濤香

從天竺峯頂越三台山下法相寺

羣峯自天目飛舞趨臨安到湖散南北窈窕而鬱蟠垂花裊紅泉
穿雲拂琅玕幽討因路窮空心得險安鼠驚松翠亂鹿踏葉響殘
足底生微白不辨江湖看雞鳴煙中樹稍稍見幢竿遂下古招提
濯足坐林端山風忽送客日落三潭寒華池酌丹液紫砌嬌叢蘭
既無形役拘永日罄所歡

表忠觀謁錢武肅王像

唐季墮天綱羣盜肆爭競阻險事荒縱塗炭傷民命錢王保鄉國
能用越人勁戰攻禦外侮安輯修內政開門老節度富貴天心定
恭順竇融僞倂強尉陀性鐵弩射鯨潮妖鳥羅平靖煌煌垂遺券
太師尙書令抗逆盡剷除三世執兵柄猗蘭及裔葉吳越繁子姓

表忠大蘇碑氣吞江海靜肅揖瞻冕服英雄偉姿稱將軍衣錦後
十州笙歌盛三百六浮圖事佛何妨佞

登北高峯絕頂望越州諸山懷錢塘柳潔夫

柳夫子與我燕臺別千言揮灑長歌行譚藝論交肝膽熱柳夫子
語我北高峯涼秋攀緣多勝槩漫漫雲海摩心骨今年浮江四千
里峭帆直向吳山指草橋門外訪舊廬望而不見淚瀟瀟徬徨躑
躑何所從翻身卻打北高鐘露華洗開雙眼碧九霄沉湮身當中
天孫雲錦三萬匹織滿湖山彩非一壯哉六經真氣鬱奇文大力
如君負之出天風吹我一瞬閒飛過越州萬疊之青山沃洲天姥
起足底李白夢吟游何艱天台四明紛迴環赤城騰踏霞斑欄有
無禹書儲委宛金簡玉字科斗蟠柳夫子胡爲留滯久不還使我
獨立推心顏西冷邵雋抽身死人閒又失吳太史

鄭公塵沙劫墮

悲友朋存者飄零亦如此山氣龍從桂颺颺夕陽煙水沈冥愁猿
狖叫號虎豹嘯鷗雞斥鷃鳴其儔柳夫子吾不可以久留明晨打
槳將西歸祝融九疑蕩翠微思我更上北高頂白雲渺處孤鴻飛

西湖月夜泛舟五首

客懷日以遠客事日以緩月華憐於人照我琉璃盤光既不遲迴
又不使漫漶感之長鯨吸貯以瑤脣滿清遊在西湖晝夜恆苦短
孤山青瑤臺天鏡挂其端又如濕翠螺洗堆爛銀盤空明出一舸
四顧澄新寒唳鶴得秋先寥歷在琅玕隱士不知蹤對酒自爲歡
月色浩荷塘天地皆素錦澹香出空濛露華垂作瀟他鄉幾清光
百年如一稔月自愛吾狂對之胡不飲夷猶不得返隨處可酣寢
荷葉以爲茵荷花以爲枕

粼粼湖無波月色照見底輕橈拂荇藻銀鱗漾不止化爲碧蒲萄

淋漓倒金甌欲酌水僊王呼之臥慵起微聞鐵簫聲恐是句曲史
看湖宜當心看月宜當頭酌酒宜酌滿作歌宜清秋孤亭何寂寥
繫我一葉舟月態既激澹酒情亦綢繆湖山空四維中有沉瀜流
酒人乞其私明宵如此不須渴倒行更作攜樽遊

雨後越萬松嶺晚下學士港泛歸昭慶

雨歇鳳山翠夕陽倒江遠近城秀石多青鞵那愁流峻嶺連南屏
云是宋舊苑攀躋足登眺鼓勇腳力健松濤莽回互涼風坐來晚
長煙稍橫抹湖路下偃蹇犬聲恐積葉虎跡印前坂渡口得柔橈
迷濛信委婉星影分堤行燈火識寺返慰勞荷老僧磬前飽香飯

舟行湖南入小有天園

湖山富精靈意態變俄頃微雨方作陰秀雲忽收嶺水木散澄鮮
天地洗溟滓舟舍清暉出以小得光景人行蘋藻氣魚聚闌干影

徙倚遂登降蟬鳴四山靜造化不可窮刻露無人境寄語南高僧
待踏蓮花頂

丁家山

西湖峯迴環有若碧玉玦峯斷層城橫江海補其缺誰闢丁家山
勝景以亭挈東西塔雙矗內外堤疊出中開明鏡圓白雲日磨刮
夷光去不歸花柳學綵纈越女張錦機織爲三百匹蕉石方晏坐
迢天碎紛屑吾將琴松風庶足暢旅悅

入天竺路

逶迤九里松一翠一重重飛雨淨天界白雲流古鐘山涼初鶴下
竹轉有僧逢掃石聽泉坐菖蒲采紫茸

望南北二高峯雲氣

夏雲不成雨只在兩峯閒一半爲香水飛泉灑四山其中橫絳闕

相對鬪煙鬢，鳥入空明裏，夷猶殊未還。

靈隱

雨意颯然至，蟬聲空際涼。不知喬木合，祇有冷泉香。萬佛圍青玉，諸峯在夕陽。三生無一語，落葉滿禪床。

上韜光寺

琅玕雲一縷，路轉翠微中。寒意疑藏雪，空香但有風。蘭芽緣坂峻，殿角出花紅。更覓泉源去，幽巖不可窮。

宿韜光聞泉聲示懷禹上人

四山風雨合，栖鳥颯然驚。起視山月出，金蓮花正清。心空依佛火，性定得泉聲。彼此無言說，悠然坐到明。

上天竺四首

峯從湖上望，祇有白雲連。窈窕十餘里，空濛各一天。長松爭拔石，

修竹屢逢泉不信，毘盧地開鷲似此年。

匡廬樓臺峻森沈，法界寬湖山除粉黛。霄漢接和鸞，鳳腦金輪藥。猊煙白雪檀，天花一萬片。不許亂蜂看。

海湧莊嚴像，宮分鬱茂區。青蓮中剖葯，甘露各流廚。神獸銜香入，天龍捧鏡趨。昨宵十州雨，飛下紫金盂。

長夏晴疑雨，陰崖豁更深。爲聽鐘斷續，差受鳥歌吟。大事空王業，名山旅客心。明當隨藥若，絕頂更幽尋。受非

湖心亭對雨

風勢一蕭然，湖雲帶雨懸。迷離翮鏡散，遠近鬪珠圓。魚隊低藏荇，蜻蜓亂入船。徑思挈榼去，寥歷破長煙。

夜坐平湖秋月亭待月二首

夜循段橋去，殘月待平湖。螢火出深柳，人聲聞暗蒲。磬銷僧戶閉。

水映酒燈孤欲問鐵厓叟吹簫到此無

孤亭訝風雨栖鳥繞林驚但覺湖微颺那知月已生四山猶泐歷
一塲漸虛明便作鈎簾望天涯客思盈

葛嶺坐湖中夕照

湖上波平紫翠沈微風吹湧鳳毛繆畫船兩道衝煙去半入錢塘
半湧金

丁南阿營生壙於大慈山自題碣曰詩人丁序賢之墓余
過其下戲題四絕卽寄南阿

江西詩人

丁仲子萬頃西湖買墓田越來溪上胭脂土肯葬鴛鴦

是獨眠

南阿繼室陳齊清葬石湖

再世頭陀也不妨

南阿記中語

山埋詩骨朽偏香更添萬樹梅花海日

日天風作道場

句曲山人好招致桃花夢叟同婆娑
瑤笙鐵笛滿湖月看昇藍輿
唱挽歌

迦葉聞

歌歷劫非男兒何處好因依
他年便化孤山鶴暮雨瀟瀟

返翠微

南阿居甯都翠微峯下

西湖席上分賦得雷峯塢

天削錢妃塢冥茫白玉堦
湖開西子鏡倒插赤瑤釵
斜日燒相亂微煙冪更佳
望中宜遠近選勝屬吾儕
微風吹樹影時有鶴雙雙
金碧落當寺白雲飛出江
雁王誰掃頂龍女不窺窗
尚說湖光夜神燈挂寶幢

又分賦得蘇小墓

月出小橋斜橋邊蘇小家
人思松柏樹墳在菱荷花
南浦黃金縷西陵油壁車
紅心草又盡誰與惜年華

西湖采蓮曲五首

芙蓉舒迴塘，漉露曉未晞。朱光射的皜，灼灼搖明璣。綠房互向背，翠蓋團參差。中有錦鷺鷥，比翼常相隨。沿流蕩楫去，習習風吹衣。借問涉江人，采之欲貽誰。所思不得見，日暮空言歸。

麴院多涼風，雲館間綺疏。雕闌四百曲，青荷丰茸鋪。上客纈蘭舟，美人牽紗櫛。霞肌射醴醪，雪指吹笙竽。妖情發歌詞，唇萼流芳徐。白馬誰家郎，斷腸爲踟躕。寥寥素蕤者，獨處湖南隅。破服幽且閑，雜彼蓼與蒲。含情不欲言，流睇徒自如。

越中采蓮女，自矜好顏色。揚眉入吳宮，聚香各銷息。當時經過地，湖水融粉澤。化爲翩翩荷，以名事修飾。誰知絕代希，一去渺無跡。盈盈十五女，各各豐長蛾。約束珠腕繩，修褰颺織羅。三五搖星艇，笑語入深荷。香來不知路，棹遠始發歌。祇愁斜陽急，下渚多風波。

花稀葉以密心苦將奈何

采菱在湖陰采蓮在湖陽菱歌調短急蓮歌緩以長翩翩白鷁飛
矯矯素雲翔花前彈絲絃冷冷變清商油壁車成灰松栢西陵荒
如花好朱顏凋謝安可常何不燒高燭張帷照紅妝容華在盛年
爲樂殊未央

石湖行別李虹山兼寄甯都丁南阿

虹山爲崔蒲坂先生督學江南所賞識先生曾以虹山
詩賦寄余豫章

天下憐才崔夫子江南得士李尙美我來東南交豪傑與君聞名
各不識甯都丁君走語君喜我詩篇倒冠幘君來石湖贈瓊玖我
入西湖伴蓮藕秋風歸臥伯通橋扶我藥餌握我手石湖天鏡楞
伽鋪澄鮮煙水淨菰蒲圖書萬軸桂十株長魚巨鳥當臆趨短衣

醉下千人石身帶闔廬山月色黃金叱咤隨手盡擁得靈威高九
尺挈我挈舟叫入門驅去俗儒目睽睽促僮捉雞繞樹飛呼婦烹
鷺堆案擇酒香螿熟不可住指我吳宮蒼翠處吳宮清商掃琴臺
坐招笠澤茫茫來錦帆香水美人去玉柱銀房七二開胥口鱸魚
白肥玉鄧尉秋花金壓粟銅坑銅井繚繞之直上萬峯臺上宿萬
峯臺上白雲飛一夜瀟湘木葉稀青娥喚我將西歸滿船爭看長
歌揮虹山贈余長歌有云詩豪誰似張公于月無李杜香劉曹君會兀傲坐試席摩空詞賦堆
絡繹崔公坐看君落筆手如快鶻風火擊日未移晷視已擲縱橫
壓倒羣兒百人生富貴能幾何難得巨卿爲拂拭我亦崔公門下
士赤心不得酬知己君今放浪狂欲死有司棄之如覆水移家只
傍要離墳罵座常傾梅福市西州門遠草蕭蕭頭白羊羣悲不止
瑟瑟津鼓催船急石湖浩洶老蛟泣君醉不得立我去亦不揖長

風吹作鴛弄歌留不丁君共於邑

虎邱贈歌者

司馬猶能記隔年相逢短鬢獨蕭然鬱輪袍曲何人賞零落蠻中
荳蔻箋

攜琴明日去台州羞作千金菊部頭家在錦帆涇上住不隨夜獵
過長洲

闕題

清溪百曲抱村莊蕉實垂丹椽橫蒼白鳥一羣連海氣高樓無數
立斜陽
魚莊鱗鮓入回潮打蜆撈蝦兩鬢凋同是浮家江上住畫船何處
有銀簫

偕李虹山探桂至虎山登檀勝閣食光福市遂泛舟入西

崦

虎山領秀木迴合作宿翠。一露洗太湖。鴉背朝陽麗。稍登檀勝閣。
遂食光福肆。煙火黃濛濛。盡漲桂花氣。塢影倒香溪。鈴語吳宮事。
遙望姑蘇臺。丹碧尙可記。不知西崦闊。舟定得石勢。浩歌已自雄。
現有客譚藝。吾儕粉黛區。古豔謝凡膩。秋高萬壑瘦。心空眾香至。
蕭然把一樽。白雲濕衣袂。

石壁俯太湖

尋花無遠近。以意順所適。石壁摩空青。太古氣不滌。攀緣憩豆腐。
指點露漁宅。松挈虬螭形。磴拾麋麕跡。躡石身欲飛。其下沈沈黑。
狂歌具區來。洗盡美人色。秋風動搖之。吳楚浩一白。我行將有期。
蹠臂坐地席。殘樽尙泥飲。白髮良足惜。茶竈陸天隨。蝦菜范少伯。
誰乞五湖長。念此山中客。

虎邱

霸主枯池跡欲湮，真孃荒竈草猶春。秦皇志氣銷金虎，吳地山川
屬美人。煮茗自忘炎暑倦，踏歌誰躡綺羅塵。白雲道士歸來否，一
鶴蹠蹠望遠雲。

題崇明李虹山石湖書舍

持竿不樂海中居，買得青山近閩廬。鳥座氣雄非爲酒，典衣金盡
尙收書。風號大樹驚栖鳥，月湧平湖釣白魚。人世憐才惟女子，鷓
鴒黃酒伴相如。虹山小姬慧而能詩

中秋京江家冠伯邀李虹山丁南阿飲于石

公子雄豪不可當，行廚載酒石生涼。百年今夕有明月，萬古空山
餘廣場。笑擁鷗絃歌越豔，醉騎金虎問吳王。美人散後天如水，獨
倚琴臺望杳茫。

上方山同李虹山作

不爲長橋串月行，秋空吾愛上方晴。
石湖分湧太湖水，黃葉造連紅葉聲。
病起煙雲收腳力，別時天地見心情。
與君擬借僧寮住，粥鼓茶鐺坐到明。

郊臺

松濤石磴莽重迴，突兀吳宮一祀臺。
自古蒼煙惟鳥下，連天白草有人來。
黃池百萬推盟長，練瀆三千見霸才。
可是無終同亞子，壯夫灑涕爲悲哀。

顧黃門墓

黃門遺籙俯湖濱，松滿秋風翠四鄰。
徐庾才華昆弟輩，梁陳山水畫圖人。
豈因孤峻爲狂狷，祇以風流樂性真。
昨向讀書堆下過，亭臺歷劫尙鮮新。

范石湖別墅

千秋越國無城郭今日先生有石湖
攬轡行人曾雨雪著書一老
在菰蘆君依說虎軒西住猶聽鶻絃度曲無嘆息南朝和議定吳
船高臥亦良圖

虹山別業卽說虎軒故地

呈崇明栢東舉先生兼訂鄧尉看桂之約

近聞泛宅到句吳訪友時時過石湖
天子正開渠閣待先生猶憶
玉堂無珊瑚釣客畱詩句金粟如來入畫圖
肯向秋山尋鄧尉花
前杖履未嫌孤

江陰周泊莊明府邀訪春申墓遂登君山絕頂望大海作

歌

黃田十萬頃不栖春申魂珠履三千客不報春申恩
老烏叫澗澗欲動孤墳歌出枯松根
女環衣琴成一笑何須徙倚悲棘門
君山

絕頂有大海，可以眺望窮朝昏。秋深海氣遠，更好新霜洗湧扶桑。
瞰丹霞燒空，幾萬里。此亭渺渺，相吐吞，瀛洲沃焦，雨不辨。橫風吹
作黃雲屯，鯨牙吐紅鼉，身黑中有一船，新羅痕，狼山鼓角起，足底
飛鳥帶樹沒，江豚忽然鬼，波怒蹴起，倒入大江江，爲翻越中周韓
兩才子，謂荆襄與我鞭弭馳中原，雨君出宰我，猶客相尋，意氣如
弟，曩詩歌，雄豪壓吳會，泥塗豈足羈，高軒惜哉韓君在，歷下不得
共我傾芳樽，鱸魚膾肥蛤蜊嫩，海氣落酒波，欲渾醉歸，明日別君
去，蕭蕭黃葉飄，行幡他時登山西，憶我章華臺上攀蘭蓀。

京口對月飲酒五首

乙亥九秋以事滯潤州維舟江口作

他鄉有明月，暢以大江秋。對此不飲酒，其如天地愁。旌旗橫北固，
歌吹出揚州。一洗金樽裏，我懷隨白鷗。

明月如孤客飄飄東海來出當甘露寺飛過妙高臺風浩蘆花雪
山浮蓮葉杯此中真酒地但飲勿徘徊

曾記桓元子京江酒可沽蒼茫鐵甕在感慨曲阿無且把東湖蟹
休尋北固艫君看獬兒墓秋月久荒蕪

酒外焦先宅空秋月色多長江流慷慨處士鬱嵯峨舊是瓜牛跡
今誰歎戀歌仙人招手處橋彩駕銀鼉

伐荻眞王者盤龍亦丈夫一朝拋雉塞百戰下孫盧酒洗江山盡
人歸雁鷺孤佛狸祠下月不照古丹徒

後飲酒五首

月以金焦至蒼然入客杯舟前萬里水仍自故鄉來忽有使人至
黃封爲我開好將詩吏夢同繞妙高臺

周江陰泊蒜道使致酒十斛

秋光釀江水濃似碧蒲萄月照一枝菊霜肥昨夜螯山川如此大

今古且爲豪。休問南飛鵲。吾生何太勞。

孟生歸漢上。李白去江東。今夜一樽月。寂寥誰與同。

謂崇明李虹山。常都丁南。

阿諸詩人萬古事。舊夢幾宵空。明日騎黃鶴。城南訪戴公。

丹徒詩人鮑步。

江數訪不遇

江流掃不去。月爲我躊躇。昨夕光仍好。來時恐不如。醉看星斗散。似出海門初。淺水蘆花裏。扁舟任太虛。

南樓今夜月。正照流黃機。海上狂夫去。天邊破鏡飛。幾時拋錦字。無地贈寒衣。好貯梅花酒。浮生倦亦歸。

同杭友蓉任玉占登雨花臺懷汪京門

落木渺無際。夕陽猶翠微。登臺思舊侶。把酒送將歸。雁破千江入。烏銜六代飛。蓬蒿非我輩。遊事定無違。

皖城拜元余忠宣公祠

歸舟千里店未已日誦昌黎譴瘡鬼今晨聞過清水塘長嘯推衾
急騰起冠裾肅拜右丞祠英風颯爽吹芝旗一堂將帥鬚眉動環
甲撻矛若誓師祁連巨塚豐碑豎闔家骨瘞琉璃土大江浩浩湧
義輪照出旃檀香萬縷西來賊艦紛趨向皖公山色愁悽愴長陣
深塹引涼波半壁東南雄保障可憐搖搖一綫城蚍蜉蟻子無援
兵大呼振臂義旗舉銜恩涕泣身皆輕二百餘戰戰不劒羣磨肝
膽相枝撐三門開奮猶鳴鼓天柱傾頽奈何許自剗頸血赴洪流
各提其首如哮虎鬼雄擊賊立城頭不擲降幡擲雷雨游人倦上
大觀亭江山之勝由精靈夜深皖口蛟龍吼仍是暗鳴叱咤聲

題琵琶亭壁二首

已作商人婦琵琶欲怨誰秋風不相掩偏使客船知
明月蘆花雪茫茫九派波非關遷謫恨只是淚痕多

男如泰沃
姪聲有普孫啓豐
裕幹光
校字

紫峴山人詩集卷七

湘潭張九鉞慶西著

姪孫家弼重刊

二韻集

乾隆丙子丁丑

乾隆丙子余祖資政公官郴州學博先生應呂刺史聘校童子試往返嶺上以二韻名集填虎載廣寧至確也而先生手繕目錄無此集讀先生開雲樓放歌有云韓公之年三十七又我年與公同亦作都嶺遊二韻集之在丙子丁

丑二年毫無疑義

湘江曲

妾心如陣雲沿湘一千里
尤向九背中輾轉不得止

湘江采蓮女生不解相思
日暮紅裙溼低頭卻怨誰

九疑曲

九疑疑復疑帝子去安之
何況多煙雨猿聲十二時

欵乃歌四首

嗟礪礪何灘攢兮欸乃望之瀕洞不見其端兮欸乃北風打頭雪
漫漫兮欸乃齊努力上灘兮欸乃誰涉此川艱難兮欸乃

鷓鴣勸我勿行兮欸乃哀猿悲以鳴兮欸乃彼大船擊鼓吹笙兮
欸乃獨把舵立擔篙兮欸乃雪雰雰使我心切兮欸乃

石英雄打船頭兮嗟嗟欸乃我欲鏟之無戈矛兮欸乃酌我酒
牲兮欸乃前譁後喝齊努力登兮欸乃湘江水淺浪平緩緩兮欸
乃往來此津不可以愆兮欸乃

瀧之水色油油兮欸乃蛟龍磨牙伺我舟兮欸乃上天入淵不可
以休兮欸乃誰打鼓坐中流兮欸乃夕陽冥冥逝而逝而欸乃

昭陵灘竹枝詞六首

昭山孤秀徹昭潭南上昭陵水石參石似檣蒲水金碧澄明五色
冠湖南

十里山門水淺深，棹歌欸乃短長吟。人生不作湘中客，誰識雲山韶濩音。

昭陵灘上建甯鄉，城郭荒蕪半夕陽。只有桃花自開落，更無茅屋祭昭王。

鷓鴣磯勢走橫斜，兩岸青楓映白沙。枉說衡山明府句，如今不用

放灘家。康熙年間衡山高明府過灘，向云居民盡是放灘家。

灘頭架竹小編廬，灘尾船娘鬢不梳。齊結織織荷葉網，安排四月

打鱖魚。

江上何人歌竹枝，小船聲急大船遲。唱入湘楓第四調，吳儂越客

也應悲。家大人湘楓十二竹枝詞，空船乘浪扁共四有句云：越客吳儂，扁舟湘潭也。復有空船。

舟行嶽中望霽雪四首

玉龍夜戰湘波空，七星朱鳥喙不紅。曉來連蜷逞變怪，都化貝闕

銀屏風鄴侯當年讀書處一萬水晶簾挂住白衣山人不再歸愁
剩爐中懶殘芋

南天門高冰崔嵬雲梯鐵索凍不開燭龍銜珠挂曉日五色金碧
何雄哉將秀祝融舊游躡望而不見悅心目瓔珞街前緣久空慚
煞上封一尊宿

湘妃欲出愁寒水廿五冰絃彈不起雁聲低掠浦煙空九面濛濛

一千里黃門使者騎鯨去蜺旌來往空舸路欲問清湘霽雪圖米

家書畫船何處倪黃門夫子使楚愛衡湘霽雪之勝欲繪圖不果
有詩云七十二峯瀟若無舟槎客似坐冰壺憑他

好手仇唐輩難
畫清湘霽雪圖

西山霽雪枝撐雄衡湘之妙妙以空山容水意澹不定如坐秋月

冰壺中故鄉遐賞嗟久隔又欲理篷事行役何時萬柄玉芙蓉中

結小樓看晴色

衡山夜雪飲聶環溪宅卽別之郴州

九載秦關一鳥旋環溪猶湧玉池蓮嶽分巾紫爲湯沐春與梅花
作墓田安定諸生常引領儒官三禮敢齋肩衡山夜雪茫茫飲後
日相思摺嶺煙

偕聶環溪登開雲樓放歌

誰使古之人不得見而心憂誰使今之日不忍去而夷猶扶桑萬
丈吐光燄祝融掃出韓公樓人生百年幾名嶽相與對酒爲歌謳
君歌得酒興颺舉我歌因酒調轉苦千峯坼雪撐晴空墜地瀟湘
黃一縷我聞韓公之年三十七虎豹驅之走深樾刺天榔嶺接陽
山桂水如湯瘴如血歸來迢迢叫翠微芙蓉紫蓋橫吹開神憐公
誠降公襪胡不使上界真人足官府又不作江湖散仙鸞鳳爲鞭
笞而置之猿呼鼯嘯裏得非娛戲斯人爲我年與公同亦作榔嶺

遊蓬頭垢面橫一劍乞食欲向東諸侯
讀公文章夜夢公顏色不能列籍湜
或可侯喜與區冊我今何處著此飄飄衣
遙望天門九扇高巍巍請公爲我言其
扉使我生兩翅追逐出八圻將釣明月
之大鯨騎踏雲之靈龜慎毋使我往來
躑躅空江上吞聲有涕無由揮酒闌
君笑我言哆帆急風橫別樓下樓頭雲
氣轉蒼茫應是公來騎白馬

耒陽謁杜文貞公祠二首

疊嶂長灘捲白銀懸崖老樹壓脩筠
英雄溲落誣牛酒行客淒涼莫藻蘋
萬里朝廷終不到一方將帥是何人
中興稷契經綸在猶向荒江惜此身

遺墓何緣委夕陽樵夫指點話荒唐
長懸光燄爲衡嶽可葬騷人是楚湘
異代羅含俱有宅生平李白亦他鄉
惟餘江海飄零者每

過空祠淚幾行

曹王寨歌

一峯插江最奇峻志云唐曹成王舉屯兵處以昌黎曹
成王碑考之當在帥湖南征王國良時

昔讀昌黎曹王碑忠孝大節濡染何淋漓今晨忽驚榔口外孤峯
插水撐炎界人云唐帥曹王寨噫吁戲怪哉吾欲招帝子而問之
洪濛割碎元氣鏟削始何時巨靈蹠耶五丁劈耶夸娥移耶其下
豈有三千六百地軸鉤聯施榔江暴漲肆躡齧怒鬪江退蛟龍悲
團團豐豐一萬尺戈矛簇擁擊鴻夷南離光晶摩積鐵風霜不剝
青瓜皮是何雲棧何天梯懸綽盤轉排旌旗至今老樹脩藤交芳
竹聲戛鼓角喧鐃吹王坐其巔武帳中何年叱咤生雷雨巖厥奸
猖氣如虎將毋虬髯真人王烈祖鑿其赤心誠且苦迺命鄂公褒

公酣戰來下採南方茲砥柱國良希烈兩狐鼠誰拔其角落其距
曹誅五界皆奇兵偏隅已振中原聲太支十三英傑首山川亦藉
留雄名狂歌鏜鏘羣山響行帆回首神恂悅不見倒影夕陽猶嘒
嶙家拭案王坐句上下疑有脫簡

泊上園街

更欲投何處戎戎萬岫沉波翻灘月淺樹壓市燈深戒夜舟喧岸
衝寒角咽林吾生一書劔安穩似栖禽

柳口古意

柳江不知愁流下瀟湘去莫繞二妃祠此是相思路

侍郎窳

傳昌黎先生停舟處

一窳停舟處人猶說侍郎文章在天地遷謫任君王直以謳思遠
而留草木香前途瀧吏近遺廟時斜陽

義帝陵下作

懷王訴天祖龍死，山東豪傑以楚起。哀哉夥頤，徒沈沈。真帝捧出，牧羊子帝也。三戶英雄，人能道。長者西入秦，秦靈送楚。楚離神，假楚肆逆。真楚戍三軍，縞素憤發喪真楚。不亡假楚，亡郴州。帝都陵，帝土香火君臣趨。士女魂歸山，風騎白虎。漢王舉義，義不終。番君漏誅長沙，封咄哉不肯侯。董公義帝陵有石虎，故稱白虎，郡見水經注。

飲吾溪廿一弟學署二首

偶打片帆出，不知江路寒。夢尋吾弟到，詩避俗人看。隔歲黃花酒，新春首藉盤。南山晴雪後，指點倚欄干。
終歲爲行役，勞生與願違。材知因大誤，名恨早何非。天遠羣鷗嚇，山空一鳳飢。論文聊此日，醉倒那須歸。

女郎祠

女郎祠俯古柳都眾木沈沈百怪趨隘嶺白雲縈劍戟蟠天仙樂
奏笙竽提攜蘇母靈今昔來往龍妃畫有無不敢將蘋一瞻拜明
璫翠羽出須臾

郴州試院同幸謁庭夜飲

鎖院森沈畫燭殘休當樽酒話長安每思異地逢良友況以雄文
結舊歡隔嶺猿聲猶作雨過江鶴影不知寒他時鼓舵瀟湘返更
醉先生苜蓿盤

郴州呂使君建來鶴樓北城上

蘇耽騎鶴去不返此地高樓屬使君昨夜西風明月下邦人引領
九霄聞好攜美酒仙桃借共酌香泉橘井分那得紅顏生羽翼扶
筇思踏翠氤氳

借吾溪尋蘇仙觀酌橘井晚飲見南亭作

不入猗頓門，不過程鄭宅。蕭然屏俗緣，相約事游屐。嶺郭春氣滋，
桃花被簷隙。逶迤尋古觀，樹布肅森瑟。蘇姆有故居，飛甍青霄赫。
澄泓橘井清，小汲珍靈液。餘滓盪瑤甃，茗乳添靜碧。蘭皋坐藉深，
林靄非一色。仙嶺對江來，出入雲半壁。縹緲帥牛童，丹壇路遙隔。
欲騎白馬下，塵界應自惜。空中一鶴聲，聊以報行客。攀緣既無暇，
眺賞有何極。歸續文字飲，坐待山月白。

將歸偕吾溪弟豪飲沈少府署齋達旦

春色下騎田，春花落燕泉。酒鎗曹事外，歌版別人前。鴟鵂嫌多跋，
飛詩不問爰。由他催曙鼓，沈醉放歸船。

坐瀉鏡亭同梁厚田候舟未至立成四章題柳侯祠壁

昔年曾過龍堆祠，鯨魚駭浪天倒吹。金堂貝闕貴主宅，碧云一一
虧蔽之。短衣南徼見神宇，遙仄溪山礙靈府。安得錢塘陣，開百

尺樓船播大鼓

魚鱗春雷劈山起五嶺芙蓉盡香水長風怒吸陷池雲散下洞庭
一千里柳侯夜寢罷凝碧同薦朱駟返舊關蜃樓飛落萬桃花流
轉關干作紅雪

昔我來兮柳未稀緒崖裂雪山猿啼今我歸兮柳已繁竹雞含雨
煙萋萋人生蹤跡那可據中酒阻風迷去住神仙不月當書遲雨
螢風鬢劇相誤

有兄有兄之海隅風吹捲貂襜褕眼中究兀見素壁點花雙鬢
青珊瑚柳江春草生宿莽欲采寄之隔遠浦誰料蘇家棠棣詩復
此茫茫瀉煙雨疏齋六兄有詩題壁上

郴州曾孝女祠行

孝女山東宗聖後裔父尚增官郴州刺史州署夜被火

原缺

紫峴山人詩集卷八

湘潭張九鉞度西著

姪孫家斌重刊

再盤集

乾隆戊寅

先生乙正南歸之後屢困場屋歷十三年之久兄陶萬烈察溫處始往遊焉逾歲至杭信宿倪敬堂世兄小雲林書室是年抵京仍補正紅旗官學教習著再盤集

長沙飲郭二丈宅在坐者歐陽竹垞侍御劉賓門太史鄧

丈山明經時丈山亦將往都門約予同行

東流之水西流魚男兒刺促無定居不見張生有田耕不得攜琴
又走長安陌洞庭水落洲渚高歲云暮矣風怒號鴻雁驚霜鳴嗷
嗷鷓鴣鴻鵠求其曹郭翁餞我江之滸玉茗垂階綻寒雨蟹胥子
鱗入盤新糟筍甜橙開箸取歐君劉君吾老友瀛洲珥筆會居首
如今都著遂初衣著述名山相待久我生跡弛耽遊興不工文字

惟窮命壯士休爲猛虎歌
漆園莫笑屠龍病
鄧君亦是張生儔
十年上策不見收
勸君致身須及早
夜闌更看珊瑚鉤

偕金陵王生登赤壁

我攜王生登赤壁
寒風冥冥吹七澤
長江西坼烏蠃來
霜氣橫空黃一色
狂瀾撼壁枯葉飛
荒旗獵獵孤煙直
男兒卽當手提丈八
戈親隨騾騎斫賊入
血灑黃皮新袴褶
不然磨盾草露布
下筆如風如火急
長歌天馬浮雲箭
徒然挾策走長安
日挽馬搗塵蹠蹠
槁項黃馘嗟何及
君不見江東周郎方二十

月湖

誰知一逐客
舉酒酌南湖
大別孰磨滅
郎官今有無
好乘今夕月
遙望武昌都
夫子風流在
徘徊興不孤

蕭薑侶邀飲大別山頂寺樓

絕巘危樓上，吾來數客同。壯哉神禹蹟，去矣大王風。洲草愁黃祖，城鴉說魯公。都將懷古意，傾倒酒杯中。

桃花夫人廟

佳人難再得，一笑已傾城。江水不言去，桃花春又生。煙霞古洞闕，粉黛滿湖晴。楚國茫茫大，仍然以息名。

奉別公平方藩伯兼哀令弟興樸山學士

峴首雪初盡，洞庭波欲生。行人一夜柳，已綠武昌城。我有西州淚，兼之江漢情。如何北鄉雁，先作別離聲。

琴臺望太湖

濕天二萬頃，淼淼漲梅花。飛上琴臺雪，橫爲茂苑霞。數峯蒼翠外，遙指是君家。欲訪靈威洞，相將少伯槎。

虎山檀勝閣

花載峯陰出溪澄市色流
偶尋高閣憩又與白雲謀
竹裏湖穿崦松邊鳥下樓
泥香知共惜和屐入扁舟

西崦曉起

殘月落已盡美人期不來
雞聲牛湖水鹿跡一離苔
僧戶竹猶閉酒家門乍開
司徒餘老樹藉石更徘徊

香雪海

晴雪不可極誰知入嶽深
橫斜交石色罨靄借雲陰
湖洗園林氣潭空天地心
仍思六浮閣恁恍一追尋

元墓坐雨花橋

谷鳥幽如此山行不厭遲
經聲雲引去花意雨生疑
亂點樓千疊斜橫竹幾枝
折來渾欲插空笑鬢成絲

越銅井至萬峯臺

銅井又銅坑鐘聲雜澗聲濤淨二月去花上萬峯行咫尺銀房柱
微茫白玉京終爲茶竈客一舸泛空晴

支硎寺

春山曙不知寺在竹參差花雨欲飄下鐘聲忽聞之難酬支遁句
聊與許詢期更聽寒山雪青筇費一枝

入池墳路

花剩幾分春東風惱殺人無爭山逕亂且作物華新樂事原隨夢
浮名欲絆身翩翩蜂與蝶只合戀紅巾

范墳

萬笏排空翠湖山日盪塵雲藏子姓大花澹老臣多異代塞蘋藻
春風足綺羅猶將憂樂意隨分與笙歌

趙墳

當年辟疆老猶未入山深似此好名者方知結客心如何今夕酒
不對昔人琴惆悵落花去茫茫又夕陰

華山遇雨

楊柳綠將遍菜花黃欲來天淨春事去江帶酒樽迴梅市成荒草
蓮池亦劫灰何人吹鐵笛風雨暗蘇臺

陽山下與秦吳二子別

花爲行人住人歸花亦歸祇憐人共別莫怨鳥銜飛細雨陽山路
孤帆天水圍那堪更相送殘馥惹征衣

過吳門遇歌者介郎以扇乞詩

介郎吳姓

十部霓裳斂手聽清歌一發暮雲停有人掩淚吳門過聲識牛家

舊小青

介郎追送許墅關口占贈之

金閨亭下柳毵毵綺袖銀絃夕照酣
崔九堂前人散盡落花時節
過江南

紅橋泛舟二首

秋爲主人濃 天空鶴唳重
殘雲團桂粟 斜日醉芙蓉
遊舫稀相並 前歌緩許從
商飈吹不散 先入蜀岡松
傑閣攀無際 蒼煙一望餘
山容殘夢外 霜意大江初
時序俄驚晚 登臨未覺疏
回船趁明月 十里漲香渠

鄧尉看梅歸將之揚州包山吳崑園兄弟載酒虎邱餞行

酬以長歌

不入伍胥門 不訪梁鴻廡
翩然笠澤踏湖來 十丈梅花布帆雨
吳若看花隨我行 載酒還別闔廬城
三千劍躡金虎去 一池春水寒無聲
平梯嫩草煙痕淺 樹密流鸞交百轉
開樽且快遊人稀 按拍

不知殘日短，忽思往歲中秋來。懸天明月銀崔嵬，千人叱散石如
水。海色湖光涼在杯，丁生起歌李生哀。燥管急鼓喧且颺，青山猶
繞生公臺。京江公子安在哉，吳宮烏啼不可住。相別陽山山盡處，
故人憶我尚追尋。已逐梅花渡江去。

再過揚州孫玉峯程光含汪曲江皆下世楊劔溪亦客衡
州有感而作仍寄劔溪

楊子漸生古渡頭，笛聲淒切滿高樓。故人問骨青山冷，舊樹當門
溝水流。細雨橫風生白髮，蹇驢破帽過揚州。寄聲七十二峯客，今
子何爲苦滯留。

釣臺下作

九日登壇者，當時把釣人。謀生元鹵莽，乘勢卽經綸。淮水風雲起，
荒臺楚漢春。古多功狗恨，不必爲酸辛。

漂母祠

英雄不餓死，天遣受人哀。自進王孫飯，焉知大將才。一時能報德，終古爲徘徊。愁殺壺漿女，投金有客來。

晚泊淮安楊清江尚書招飲漕署午移舟清江浦天大風晦不得渡河聞午前渡湖者頗多作詩自賀卽寄謝尚書

酒注日出鷓尾紅，戟門畫鼓傳鼙鼓。尚書聞來側屣迎，急呼捉席東。東四十諸侯老賓客，知己平生誰感激。尚書愛我長句工，往往對人稱李白。行觴割炙傾駝酥，花間移席雄談俱。帳下千夫相感歎，何來逢掖猶王符。溯我星辰過菡首，且喜無神在箕口。蘇季今當適趙時，長卿休嘆遊梁久。欲奮馳驅報一顧，別向清淮鼓舵去。但檢康成車後書，那題漂母祠前句。黑風打沙沙怒號，黃河洪

澤聲攻鑿蛟龍目赤喜人血濁浪拔木如拔蒿心知不唱箜篌曲
空向津頭悲麗玉乞得餘生賴徑公也緣一飯分奇福三更月漾
清淮波倚書有酒仍對歌作書急寄尚書去明日狂生方渡河

白下晤汪京門闕周雨峯以卓薦赴都歿良鄉李殷相
署中李爲經紀其喪俾嗣君扶榷歸徐州并致書海內
同人致賻感激賦此

客到秦淮忽罷歌故人消息竟如何功名短祚周公瑾生死交情
吳伯和江上青山飛夢盞燈前白髮入宵多寄書同下鱖魴泣昨
日枯魚已渡河

渡河寄周海州泊莊

不唱箜篌曲東風吹渡河江南明月盡海上碧雲多對酒思良友
停絃憶舊歌長安今又去白髮奈人何

狹河酒肆遇木倉畢積岩飲卽別二首

楊花如雪惱殘春，袞袞東風面積塵。
鞍拄豚蹄僮負甕，當門下馬是何人。

我游河朔子歸吳，明月何村聽曉烏。
爲囑斜陽須緩下，山前分手在須臾。

禹城懷韓湘巖銜郵歸青田

已說騎元鶴，迢迢返石門。
何知東家客，立馬向黃昏。
天地幾吾輩，文章誰討論。
明湖有秋色，寂寞此金樽。

青駝寺聞唱邊關曲

明月唱伊州，蕭蕭汶水流。
漢家驃騎將，聞說已封侯。

山陰蔣生自伴城同行至潘村別之濟南

山色一千里，與君行在茲。
今朝山盡處，正是別君時。
柳色長河暗。

營聲細雨吹吾生無定住倘有鵲湖期

途中書所見二首

刑徒半弛赴邊營盜路讙呼按隊行見說屯耕多保聚將軍新拜趙營平

司農轉餉百無愛銜尾麻綱春復秋自古關山有明月琵琶不用唱伊州

男姪

如泰沃

聲有普孫啓

豐

校字

裕幹

光

紫岷山人詩集卷九

湘潭張九緘度西著

姪孫家棧重刊

三樹

乾登卯至癸未

予幼補正紅旗教習距前都講之年十四歲

時仁萬方送登

丁午經魁李未明通進士舊例明通榜以致職用不得會
試先生既落會魁遂以教習知縣揀發江西明通榜亦於
是科議裁書三樹軒集三樹軒者向學後聚花二林先生
脩葺讀書其中因樹名軒因軒名集者也亦曰因樹軒

移入正紅旗官學

崇階疏館近城隅
礙道金鞍白雪駒
國子先生分鐸振
公侯世胄
捧經趨聲名
仍愧前都講
文字誰甘老
腐儒米帖乞
倉書滿架十
年真悔走江湖

旗學館後齋舍三楹
頗幽雅予修葺讀書
其中初夏聚花

三株極盛顏曰三樹軒

因樹移齋好讀書私錢自葺圃親鋤狐叢鬼柳狂誰避竹兔弓蛇
跡自虛竟可良朋安枕簟恰分明月照階除聚花覆首實充腹今
歲長安大易居

贈鄂侍衛簡庭

下直蕭然一室居焚香靜研玉蟾蜍公侯竟日無來轍兄弟分齋
共讀書世業經綸隨事熟

天朝聞見入曾儲長安休訝詩名早公輔他年器有餘

遼后岡歌

岡在良鄉城北

遼家后妃皆好武木葉山頭親射虎自得燕雲十六州捺鉢敗漁
無定所良鄉南京之畿縣渺瀰咫尺延芳淀遼君曾放海東青搏
落頭鷲開大宴此岡積翠平逶迤下臨大野春草肥遼后爲名起

何時得非擊室韋塞門西入揚餘威又豈涸淵役親提勁旅受盟
歸應天承天崇徽號雄略迺出由宮闈二十餘萬屬珊軍牙旗阜
蘇蟠寒雲杓窠鷹紐檄飛下如林刀戟前後屯長鳴中鳴橫吹集
桃皮鬻策交相喧戎衣簇擁皆絲黑黃蓋居中眾遙識幅巾覆髻
貂抹額紅錦鸞袍袖雙窄捍腰鬚項挂鞬鞞寶劍一揮天閃白鳥
鞞黏鎧疾如飛騎出龍駒高八尺鼓聲椎破桃花水水嬉頃刻空
鱣鮪廣場追驚獸積山燕日爲愁風不洗鴛鴦深與鴨子河暄光
那得都如此重開帳殿歡聲迭計獲不論論賜鎰金錐宰鴨進雕
盤犀刀膾鯉霏香雪黃頭奚兒渴欲死生提銀鑿吸其血斜陽倒
射房山青一聲畫角誰敢停仙游芳輦魚魚行敲鏡鏘簫簫兼笙
都人夾道起埃坵內家結束驚媚媼宮娥兩鬢香垂紅不插臙脂
長十八我稽舊史每嗟吁岡前岡後徐驅車瑤輦國俗重游獵當

時亦自誇雄謨明長再過妝樓看一想東丹千鹿圖

家拭注屬瑪
遼太后軍名

杓窻鷹紐軍徽印名長鳴
中鳴皆軍中馬上聚名

良鄉道中觀西征陣亡將士骨殖歸函二首

鬼雄無數羽林郎馬上西風戰骨香此日姓名標錦櫝當時談笑
向沙場刀摧月竈秋雲紫鼓嘯天山落日黃死入玉門恩未報哀
歌誰肯唱伊涼

國門咫尺列樽壺少婦休升屋上呼罕帥生擒猶轉戰敵軍死赴
前驅裏來馬革心原快熏作沉香色未枯昨夜魂隨驃騎出過
門過和五單于

倪黃門先生七芳圖冊子敬堂問卿出以見示敬題長句

先生文章氣節雄天下平生不以名垂畫偶揮粉墨妙入神已令
前人掩聲價當日攀芳三至楚米家船上多煙雨政餘拂絹爲小

氣淋漓掃舜舉，罔卿坐我小雲林。手出冊子同披吟，冲融楮

歸澹雅肅對如見良臣心。虬枝橫吐蒼龍鬣，洗出荒唐六朝骨。

臨池活九疑，老桂點空濛。湘妃欲出

一幅徐熙枝，爲言出自春官闈。上苑看花望詰詞，澹香遙識神仙

姿。曾侍先生同柳溥，瀟湘霽雪圖許補。先生雪後湘江舟行詩云

雪圖柳生亦有泛棹圖，冊首親題字飛舞。紅梨吹散江南白，星輅

一去無消息。眾芳零落美人愁，樹不恆春花黯色。上林賦就誰稱

好，十八年來如劫掃。前年記上南屏峯，墓松成拱琅玕老。天風散

滿道場花金粟，維摩歸象寶祇應配食水仙王。寒菊清泉同祀禱

君今珥筆入禁園，頭綱入餅常承恩。遙知學士港前水，春風繞地

生蘭蓀。五粒舊軒尋不得，炯炯精神在茲冊。人間流落一毫芒，相

見

與摩抄珍手澤，嗚呼萬事那可說。柳生已死我頭白，如今猶見七
芳園風雨三更淚盈臆。

易水曲三首

壯士衣冠白，將軍頸血紅。美人偏作態，舞馬玉盤中。
但飲易州酒，休聽易水歌。千金買匕首，短氣是荆軻。
不近諸侯人，報仇有公子。請看博浪椎，一怖祖龍死。

吾溪二十一弟來三樹軒同施鐵如姜杜薌小飲分韻

高城漾斜日，歸雨在遙虛。風動果聲落，蕭然涼意初。開門見吾弟，
良友况同居。莫惜深杯罰，好花方滿除。

聞汝有秋役，太行青向西。以茲愁去住，且復尋幽栖。對酒微言發，
狂歌百感齊。心期知共証，燈影暮雲低。

作一室

題侍御朱東海先生指畫虎

君不見歲在著雍攝提格建寅之月日時同侍御晨與指畫虎巧
台造化非人工懸崖枯石葉櫛前霜色淺沙淺草蕭腥風出穴夕
陽飢以舌舐爪額低蹙猛文般般尾逐逐金睛突出愁四矚不須
一嘯百獸驚氣已橫行滿幽朔懸之中堂堂欲動手著玉义皆震
恐黃神越章佩者誰桃梗葦焚同示勇吾

皇神武邁前古塞上圍場親射虎貫顛只發一金鏡四十八藩歡
拜舞先生常隨豹尾行識虎之狀與性情夜脫錦鞵灑墨汁猛力
健骨何崢嶸古來畫虎技少良我

朝指墨獨擅場鐵嶺高相國伊和李太常先生與之稱三絕往往
神采猶飛揚迺知文事與武備兩者兼之始稱異書生但賦羽獵
工漢廷空列獸樽麗百年近臣多翰墨鳳翥騰揚皆吉士飛而食
肉萬里心桓桓卽是干城寄玩物喪心匪所倫片紙寶之瑤與珉

我願先生畫爲百幅傳後世使知我

朝侍從多虎臣包鼎之輩畫手耳咄哉咄哉何足論

盧溝橋觀渾河漲行

雁門坂劈渾河急力破太行萬山入盧溝浩渺刷洪濤上有長橋
駕空立六月七月雨勢熾雲中萬水奔滔滔九十九淀洩不得逆
撲石景摧崖崩河身撼橋橋不讓跋踰雄虹彌倔強狻猊奮躍怒
欲吞壓倒橋頭三十丈紅塵空起天搖搖孤城如彈如鴻毛駝鞍
嶮連山高躑躅直鬪龍驕千車銜尾輦重速轟轆震掉無昏
朝發頭奚兒鞭一掣殷雷扶電風颭颭馮夷擊鼓爭馳騁雁齒誰
收傷纖毫偶來憑眺真駭絕足不能支縷縷失此身怳怳百靈間
欲駕鸞鵬出漠渤京都門戶神扶持頃刻安瀾返其穴深秋不落
還雞啼來看金波蕩殘月

盧溝曉月京師入景之一

爲岳校尉題傅雲指畫羅漢

傳畫羅漢那得見岳翁齋頭出一卷神光入指指淋漓指所未到
力裏之或立或臥或坐尸狡猶變化隨所爲破盡龍眠禪月法湧
出度大真威儀海王龍女各拱揖呪蛇降虎相邀嬉雲也名隸禁
單籙親王愛之給廩食得錢往往醉不歸索之橫臥酒鑪側曳來
帶索露兩踵羅以筆札閉小室雲也醒見一疋絹光滑新紋拂零
亂不畫山水畫羅漢纖毫鈎剔皆天工迦陵鳥欲下殿中一十八
尊博且雄此圖神采將毋同潭柘寺殿新粉板噉以金帛使畫滿
雲來掉頭噴罵去可惜僧雛墨百椀東鄰老翁夜屠狗雲喜大啖
酒數斗醉繞僧廊哆其口一見新壁大叫狂搥袖濡墨不停手十
八天王長丈九猛容突出捉魔吼清晨見者皆駭走昌化寺中吳
偉壁吳雲作歌誇定力傅生以指尤個奇萬象一空由腕擘翁言

交雲歲誠慙得此羅漢心力盡悔不看壁踏渾河索米長安徒蠶
蠶前日雲來就翁宿兒童強之軒振屋挑燈潛伺翁眠熟插架剡
藤裂作幅一幅指圖一幅喜不知何者但譎詭或襲易于鍾進士
或趙千里丁香鬼天明鵲噪翁驚起此圖炯炯在篋底傳雲抱畫
去久矣

題仇實父璇璣圖應李芟裳明府

蕭蕭一丈絹前有璇璣圖我我六萌車後有旒與旗金輪譯義嗟
精妙仇生作圖巧獨造秦關漢水次第收人馬纖毫各神肖陽臺
宛轉目愁蠱禮義持防終感主誰令盛禮迎長安一夜將軍罷歌
舞新人出門故人歸故人猶在顏色非重展錦字從頭讀解之不
得但淚揮翻思機杼寒闌急月影蟲聲當戶入迴環爭觸慧心生
鬱律能令眞宰泣君不見上山採薜蘿又不見離離池中蒲媿好

身同團扇老阿嬌賦買長門無女蘿抱兔絲塵網生龍鬚古來逐
臣與棄婦覆水不收良可吁何須文君賦作白頭哀男兒如此悔
禍亦快哉

送高陽家智珠兄旋靜甯州任二首

續書飛入漢廷楓秋曉鳴珂上苑東白雲名王今獻籍朱幡刺史
舊從戎關山在手歌新曲弓劍橫腰話古雄月竊耕耘邊冊大急
懣張奐出湟中

在手一
作在日

僧廬風雨浩漫漫兄弟燈前且罄歡四海有人懸望在他鄉此會
別離難河奔積石羣星湧花削金天一掌寒落雁峯頭倘相憶斷
雲東北是長安

高陽家智珠兄歸靜甯州任將登太華索送登太華歌

我所思者太華之三峯欲往遊焉將安從我所愛者登臨苦不早

更二十年肉重身將老。吾兄軀幹偉且修。其氣可以凌商秋。酒酣
迢迢忽西望。晴空白日帝懸高。旒橫風斷索琮琤。急獨跨蒼龍一條
入玉井。天門笑不停。直上洗頭盆。上立柏子爲飯。松脂餐飽臥蒲
池。大雪寒人閒。誰識藏仙掌。只作蓮花一朶看。此時浩蕩踏明星
攜手張筵衛叔卿。卿考鐘伐鼓雲臺曙。散作長安鸞鳳聲。蒼蒼冥冥
不可極。俯搖鞿綫黃河色。無分秦隴與中原。一片金天元氣白。請
搗謝朓驚人句。莫問昌黎寄書處。腋生羽翼原荒唐。神鬼後先定
相助。嗚乎人生那得擁玉姜。琴縱上帝博作爲。詩歌當夢遊亦樂

郭隗故里

未市黃金骨。先開碣石宮。天將興霸業。氣已召英雄。喬木餘殘草
荒碑倒朔風。先生真拜獻。不與自媒同。

曉雪渡劉李河

帝曰臣陵懸廷爭數語雄先摧諸呂氣真有大臣風舊里斜陽外
荒城古木中漢家能反正平勃只論功

東鹿觀走馬行

鄒縣城東有郊場桃花未落煙棉香跳丸緣索昨未足特邀走馬
觀紅妝盤鬢垂匳一尺長丹襦畫袴山東裝隆興寺前陳百戲皆
云此隊神揚揚是日觀者如堵牆李侯下馬坐堂皇整釵束履久
始出良人牽馬立埒傍盤旋急下示怯恒小姑大婦相扶將鼓聲
坎坎鉦鏘鏘瞥然一躍千丈强星蹄霧鬣怒蹠躩揚袖舞袂紛低
昂立如健鶻決雲上側如輕燕飽風翔鼓悲響散駭仆僂身獲焉
腹藏錦障翠髻明璫整不動但有彩帶嬉飄颺觀者睜眦鼓可勝
雙鬢合騎爭頡頏虹馳閃花掠亂超趨之技不可詳姿因險勢
各鬪出巧以捷手爲徜徉馬亦驕人買其勇欲箭天漢快騰驟鼓

收敲鏡顧笑返粉巾交拭態浩狂
胭脂河水無顏色萋萋草接天
青蒼是時城頭日未下諸鬢再請奏
伎良李侯回馬賓從散聽之
明日過饒陽吾聞叢臺歌舞邯鄲倡
禍兆探穀武靈王前明河朔
穽繁富笙歌未歇漳河傷高門大戶
皆砂礫至今此地餘村遺奇
技淫巧天所忌此輩亦足撓耕桑
李侯豈無十萬纏頭箱毋令士
民相率爲淫荒

傾井村漢光武廟行爲李東鹿芟裳作

滹沱河上傾井村漢世祖廟何軒
鸞丹宮摩霄黃蕘瓦上倚恆山
俯大野桃花飛盡海茫茫九十九
淀蟠其下吾聞滹沱故道由甯
晉河朔殷繁稱大郡明末鄴城被
衝決移邑仍與河流近前年積
雨河身壯大鹵頽沙怒奔放直突
神祠不肯讓鄴城性命在一湧
萬人號廟廟欲動須臾河勢慘不
驕長蛟巨鼉駭遁逃下刷百里

穿枯槽萬人無聲青天高平原白日明秋毫卻瞻神祠風習習似
有龍車排戶入兩行宮女皆起立泥馬蹴踏汗紅濕神仁豈以鄰
爲壑一方僥倖獲安樂甯晉之民走叩闕

帝命制軍來相度治河自古無奇策疏濬隄防功第一大禹治水
順其性地勢高卑殊今昔舊渠已得暢安流疆域無分皆聖澤制
軍入奏制曰可從此鄉人夜安席其年瑞麥鬱芄芄兩岐九穗漁
陽同李侯新廟圖瑞麥庶民不日成巨工豐碑屹然立井上大樹
往往生英風真人經營河北始赤眉銅馬紛披靡堅冰可踏井可
傾炎精指顧歸方軌山河日月手轉移豈在區區一方水李侯邀
聽神絃歌伐鼓坎坎舞婆娑騰空寶鉸金盤陀翠旂明滅聲蕩摩
征西高密相遮羅翺翔八極樂且多望而不見將奈何爲神再奏
神絃歌請神爲我

天子南防河

春暮獨遊舊東鹿縣看桃花作

雕鞍金犢油壁車泥融草暖行徐徐主人知我獨遊樂茶鐺酒榼
催小胥桃花縱橫三十里明霞似漲仙源水鳴鳩乳燕昵何深白
日遊絲骨不起停車藉坐芳茵久濃郁滴杯香覆首呼來村叟酒
同傾往事相詢猶記否叟言前代王尙書內外交懽氣馥殊麓川
徵調十四萬巨璫邀寵勤王誅尙書出師金兜鍪蟒服弓刀旗九
旂如山軍實催不休尙書班師賜鐵券思氏渠曾尙逃竄朱紫滿
門金印燦新開列第高入雲深州博野鳴鐘聞桃花周遭媚池館
珠駟寶馬迎紅鬃從此名園爭美盛種花藝樹無餘賸妖童鬪子
臉爭紅治葉倡條粉交暎花閒擊鞠鬪雞塲陌頭挾瑟吹竽競薄
沱一夜掀天來高門大戶泥沙堆河朔雄風歸土伯惟有桃花依

舊開滄桑世代多陳蹟改邑移城隨勢擇卽今河從甯晉流大陸
膏腴墾地脈但願年年花滿頭但願家家果盈石爲糧足亦長子
孫舊日繁華誰歎息游人隨處惜芳菲明日天涯春又歸有花且
對韶光醉莫待東風吹亂飛

聞西師大捷喜紀

新拜嫖姚西出師風雷百道捲焉耆但聞肖替騰天馬盡與壺漿
擁漢旗士飽敵糧輕轉戰人歌零雨定歸期藁街早使羣番懼不
洗金刀斬郅支

送七姪平度之永平

山圍碣石海漫漫秋盡灤河入塞寒今夜長安一輪月回頭猶作
故鄉看

新橫吹曲十首聞西陲大捷凱旋恭紀

黃雲沙磧大荒低飛鳥千山避鼓鼙太白今年高入月將軍兩道
出安西

銜思百戰鐵衣輕戈壁奔摧萬馬聲一自金天開月窟河西不築
受降城

弓懸明月雪刀鏤赤羽傳餐夜火閒馬上琵琶彈未了前軍已奪
鐵門山

居延海外雪風收西洱河邊虜血流不用寒衣寄邊塞君王新賜
紫貂裘

衝帳天驕不敢屯追奔逐北駭窮猿已看射殺呼延將又報生擒
吐谷渾

崆峒麥熟刈初來伯克牛羊獻作堆儲上角鷹黃錦纓帳前馬乳
夜光杯

宛馬爾筋汗血驕黃金柑勒錦鞍轡揚鞭回指莎車路萬里平原
好射雕

迢迢葱嶺控花門日落黃河出塞渾一夜梅花羌笛外西風吹滿
大崑崙

容算神威指顧歎烽傳苜蓿盡平安鬢邊不帶天山雪歸與高樓
少婦看

羌女壺漿臉似花關門柳色拂龍沙年年綠玉河邊水長送蒲桃
入漢家

郊勞臺歌

郊勞臺成方桐山宮保建東西二坊錢代撰四字東坊
曰六幕歸仁西坊曰萬方送喜宮保擊節歎賞書之於
坊

皇上駐蹕新莊至行禮日由良鄉縣穿城行爲城中民居

賈店作凱旋新聯幾千餘路一日夕揮就以都中進

賀冊內無帝賦郊勞臺者歸館作柏梁體百韻紀其盛焉

將軍西域班師迴

皇帝命築郊勞臺文昌上將聯杓魁提衡六幕俯八垓崑崙盤基
葱嶺排交河瀚海前滌泗吉日維戊朗泰階華旂星罕轉斗蓋迺
蒞于臺帳殿開千官百僚捧笏陪策勛飲至典禮賅卿雲滿路瑞
日眩旌旗翩翩鸞喙喙珣弓虎文金鞞鞞魚魚雅雅曳劍櫛將軍
戎服上金堦跪抱

聖膝以次來

天顏有霽笑語諧驗厥瘳面黧微曰汝功首平淮裴爵汝上公
配中台鞅馭親解龍袞裁侯伯子男以次推賜以章服光齊玫臺

前錦綺如山堆，
桓桓圭瓚醴尊罍。
天廚麟脯雜豹胎，
感

恩稽首熱淚漣。

廟謨

睿算罔弗該，
二萬餘里運恢恢。
羣臣何有功涓埃，
八旗勁旅伏飛
材跪捧

御賜歡如雷，
朱提鈔錠雪皚皚。
文綺名綴內庫牌，
行觴割炙酒如
淮。綺雲天馬產渥洼，
蘭筋虎脊騰龍媒。
于闐美玉瓊瑤瑰，
蒲萄甘露味美瑰。
峯駝狡狴毛毳毼，
古所未聞今重鑄。
蜺旌前導神礮傑，
封大將軍黃裏緇無城，
不鏖壁不摧，
一掃雪嶺飛煤良饒歌。

聖製愷樂佳旒竿，
短簫花鼓槌寶鞭。
敲鐙足躡踏前時，
斫賊潛循
枚旋鑿夾道懼喬鮐，
我徒曰歸婦酌醅，
黃酒含笑典金釵。
昔我往矣柳未芟，
玉溝冰澌水濯濯，
今我來思桃破腮，
丁香花長垂。

惟爾逆酋事可咎

皇釋其罟恩弗懷窮猿脫兔不自猜敢構罪人肆狼豺九尾之狐
九首虺

天心震怒降以災

帝順天討將帥才萬馬躡驢馳喧逐犁庭掃穴何焯焯如刈蓬蒿
斬麻稽亡精喪魄走仆隕游魂釜底敢乞哀身殛天刑獻其骸直
捲月窟無纖靈不勞民力不傷財三年計功無徘徊屯田將盡關
草萊誰先投誠伯克儕雕狀鬚首懸于思麒麟之服冠母頤雕鞍
錦障白鼻騮蓄豕馴象爲輿僅俾以挈婦提嬰孩懸酋之首于藥
街分其腰膂剉其頰車碾其骨揚其灰孰蒙參養孰炮煨順逆自
取理不乖

皇帝威德包九闕北窮沙漠南朱厓

郊告肅穆禮燔柴紀功太學碑鐫昔千年棗進萬壽杯推仁錫類
愷澤培蠲租給種勸招徠周原膺膺田萁萁嘉禾瑞麥天使裁此
臺峩峩聖水涯楸楠杞梓松柏槐梯航絡繹筐篚借過者抃舞羅
拜皆鬱葱葱兮氣佳哉更憶萬載長崖鬼

東鹿道中懷施鐵如

滄沱春水帶冰寒南雁歸飛柳尚乾中夜西風彈寶瑟故人明月
照邯鄲短衣瘦馬隨愁云高館孤燈入夢殘河朔男兒今已盡酒
邊誰共話長安

白河觀滿洲兵赴新疆屯田歌

將軍奉詔屯西域月蝕天山在咫尺橫行突過漢班超疆理新收
周召伯三千勁旅同一心笑歌躡躍辭禁林銀鞍都覆大宛馬寶
劍多裝拂菻金白河野曠沙不吼連營列幕如同阜縣官無事待

芻茭父老爭持獻牛酒將軍號令山嶽定牙門虎帳中懸正龜貅
竈外捲蒼煙星火滿營刁斗三更角下青天寂萬馬蕭蕭大旗
直微風吹入小單于飛接白春月白蒲萄乳熟香瓜脆此去新
匪程可計軍中僕射如父兄上花門皆子弟去年瑞麥與嘉禾
大吏爲圖入貢多請將馬上琵琶曲唱作幽風七月歌

前烈婦歌

爲滿洲正白旗護軍校尉成芳妻那木都魯氏作乾隆
二十二年十二月事予各有小傳

夫婿二十羽林郎挽弓一石能蹶張妾入門夫在床有命不辰以
爲夫歿朝滌廁膾暮奉虎子身思報

國乃竟如此籲天請代天不許刃判不殊妾心恥夫騎馬妾執策
請提長笈問鬼伯血在曾練在手九原持見覺羅母織悅失聲仆

地久忠臣烈婦爭此一刻耳勇哉那木都魯氏問誰門風繼國風
大將軍信勇公

後烈婦歌

爲成芳弟校尉成魁妻吳蘇氏作乾隆二十三年正月
事

黑風旋門聚魂魄兄死力弟死力誰爲卦爾佳氏娣而忍獨生使
我妣兮心怛怛夫呼妾妾血丹妾抱夫夫骨寒巾帶可匿刀剪可
捐晶晶者日蒼蒼者天視含守者前陽陽好容顏三更嫁衣裂絲
纒白虹飛飛渺不還地下鴛鴦豈獨宿不敢生爲寡黃鵠期門有
此名不辱

天子旌之列史牘魂歸舉案同飽食願爲國殤西擊賊

蓬萊山樵歌送秦澗泉先生歸金陵

蓬萊山樵何處家，浮空渺渺青蓮花。瑤臺三萬八千丈，下瞰雲濤
翻日車。上帝召之主文昌，朝騎麒麟夕鳳皇。杖吹太乙黎端火，手
寫真靈笈內章。一朝辭帝紫雲閒，青精木帶腰斧還。摩挲五尺綠
玉柄，長歌仍入蓬萊山。山中雞犬相迎久，丹竈餘灰猶暖否。舊日
餐松斫桂人，攜壺爭進瓊酥酒。琅玕芝草深深絕，磴懸梯每孤
往。盡把扶桑伐作薪，一嘯三壺十洲朗。我識山樵赤雙腳，偶來塵
世無住著。肩頭常荷四時花，籠裏不留千歲藥。送樵那記春明路，
訪樵只傍珊瑚樹。冥冥隔水斧柯聲，祇恐仙風引之去。

城南劉厚菴兄弟鄧丈山吳思若暨大姪醴泉信宿三樹

軒

斜陽老樹鴉飛翻，城南諸子車在門。先生休矣弟子散，有客至止
僮僕喧。楚人儔侶都下少，我與諸子如弟舅。十日顏色思得見，招

致不待尺牘煩文章海內皆虛語鄉里音笑爲清言劉君朶殿昨
下直姜被同挈綿猶溫鄧君吳君守選客材華欲到朱兩轡東水
西魚跡無定所重意氣永勿諉當時旗亭畫壁者各以衰老歸卸
樊今夕何夕不行樂歲云晏矣雨雪繁安肅芽苾纔出土津門蟹
老膏猶存所愁灤河鯽難膾秋漲未落河奔渾阿戎開泥罨酒澀
傾之安得老瓦盆談天炙鞞恣諧謔墻頭觀者相攀援豈有尙書
飲期迫亦荷米帖官倉恩夢魂歸鄉睡爛熳世事乘除何可論

謁楊椒山先生祠

在白溝河

夫子祠堂在前臨易水涯悲風橫壯氣如與諫書偕臣罪甘刀斧
君門尙虎豺

天章褒異代終古慰沉埋

送友人之官甯夏二首

馬頭湧出賀蘭秋雪壓黃河繞塞流此去屯田三萬里不知誰拜
富民侯

君騎羌馬繡鞍堆余亦河冰待凍開直到交州應夢見有人夜上
赫連臺

滿州哈將軍畫像歌

將軍名哈爾阿正紅旗人父羅吞爲開國五大臣之一
封勇惠公將軍以戰功屢拜將軍平燕都功最著後逐
賊保定迷道死贈一等哈哈番子孫世襲參領其裔孫
富甯安富爾敦爲余館官學生乞余作四世家傳因請
拜將軍畫像敬賦長歌

將軍凜凜七尺長馬上擒賊如鷹揚松山杏山經百戰遍體皆是
弓刀傷勇惠公子十有一將軍驍騰無與匹從龍入關爲前驅關

賊望旗仆且呼刈賊如草不記顛陷陣躍起斬其渠白河血湧天
模糊畿南逐北迷道死身立不偃嘯溪水丹魂入夜渡黃河誓掃
中原報天子

太宗之朝五大臣吾聞勇惠爲元勛率其部落戰且屯高驪馬來
皆駭奔蟒袍玉帶金麒麟有子釐降媯館寶八十考終膺榮卹功
臣配享祠峻岫將軍豈惟配功臣昭忠之祀輝千春凌煙圖畫卿
雲霽遺像家堂享芬苾寶石帽頂孔雀翎虎頭燕領稱其實雙眸
爍閃髯橫飛猶是黑龍江戰日惟有心肝奉至尊畫師難寫數停
筆我

朝褒忠邁前史帶礪之盟苗裔以公侯子孫復其始死子一門官
濟濟太平勲胃齒橋門讀書報

國子敬矢橋山弓劍在留都翠華星罕無時無此時父子擁笏趨

英風颯颯吹坐隅

昨聞二首

昨聞故里夢魂飛六月狂濤怒打圍天圻洞庭魚鼈大洲橫
芟蘆穉湖湘元氣誰根本節帥分明有是非民命西成關不細
備災時切

九重依

楚南天下甲豐饒自昔瘡痍不告

朝今日

聖君臨便殿早時

惠詔下層霄隄防敢信隨民力甌脫終虞飽吏臬官學小臣微祿
竊感

思先灑涕迢遙

卽事二首寄施鐵如

關風伏雨壓簷聲，寒意蕭蕭結滿城。
北望濃雲猶浩蕩，南來積潦正縱橫。
欵關葉護晨趨帳，進狩天師夜擁營。
聞道義和鞭白日，急暄大野護龍旌。

老樹傾堦浪湧渠，相看脉脉意何如。
敢誇虞喜安天論，空讀江都繁露書。
舊雨無人塵滿榻，太倉有米斗分儲。
晴來好溯高梁水，綠柳陰中共釣魚。

江都原本作並生

道州女沈將軍祠行爲外弟司訓梁慎菴作

將軍名雲英，蕭山人。明道州游擊沈至緒女，獻賊寇州。
至緒戰死，女率十餘騎斫賊營，奪父屍還，獻賊駭走武岡。
道州人德之，建祠麻灘以祀。

國朝猶著靈驅山，賊愼奔任州。司訓來都門，爲余言且曰：

非子長句不足表奇事乃賦是詩

上馬莫歌木蘭詩下馬吳讀曹娥碑不見道州將軍雲英女柔翰
日操窮訓詰息吹蘭蕙豔芙蓉弱不勝衣纔一縷父守危城憑險
阻斬將攀旗血戰苦國步艱難可奈何身委疆場目如炬將軍怒
馬提長刀鷹聲奮呼鬪虎虓悲風滾滾從之號手揮疾霆割營入
刈賊不啻蓬與蒿奪還父屍賊膽摧鷹隼一檄秋雲高誓師再戰
厲瓠齒黃虎西奔氣披靡夢中只訝女天神武閭夜夜營猶徙
朝廷襲職命釵裙半壁西南倚大勛真同晉室荀崧女不數唐家
娘子軍將軍有夫買安東勇冠荊州號無敵督師棄之以餒賊頭
顱手向岷江擲報國復舊今已矣草疏陳情歸故里父喪夫檣哭
雙扶指括臂鞬無復理漆室匿形朝復暮貞媛經師靜得悟誰識
衝鋒折馘身蓮花座湧潮迎去道州人感全城功麻灘祠宇撐晴

空明璫翠羽披龍袞巾。飄千秋無此雄。康熙年間山賊嘯。轟然巨
礮騰神廟。搏空泥馬簇。瑯玕戈。兜鍪現出將軍貌。抱頭棄刃紛竄逃。
靈旗歸閃鳴金饒。萬人羅拜聲喧。嗷此州司訓。吾外弟。爲文再述。
全城事。長安把酒話英。錄月彩凝窗。花撲地。芝龕樂府記。非訛基
銘。曾讀毛西河。筵前奇氣。忽盪摩。方寸飛湧。營溪波。爲君更倒金
叵羅。淋漓橫寫將軍歌。

過回子營四首

聖德如天大游魂。貨汝曹。一營安婦子。八部隸弓刀。氍毹布筠冲產
朱提內府操。終須勤飲食。不必憶蒲萄。

寶帶麒麟服。瑠弓錦繡鞍。由來馴象易。差比沐猴冠。務面吾安州
丹心汝豈難。藁街昨夜望。久已斬樓蘭。

巷過銅街轉。樓高禁籞依。風雷開地濶。日月近。

天威萬隊皆貔虎，微生一蝨蟻花門留。
有策始信杜陵非，帳列仍回鶻郊閒。
但射雕能如金日磧，亦比霍嫖姚羊粟從安尉。
繩橋盡入

朝兩階有干羽，相率聽齋韶。

送倪餘彊扈從

巡幸五臺十二首

輦路龍泉雪後關，晴嵐星罕彩迴環。
牙冠繡服人爭指，豹尾遙隨第一班。

人閒紫府說清涼，處處文殊示現場。
昭代名山茲首出，九霄時放白毫光。

誰削神峯壘翠堆，罡風不埽塔崔嵬。
饒他遠近參差出，都是蓮花般若臺。

中臺靈鷲湧龍從，曲磴懸梯樹萬重。
帳殿宜居菩薩頂，五雲捧出繡芙蓉。

東臺嶮岨出朝暎，望海峯高手可捫。
已繞崖沱爲會谷，更超恆炭作仙門。

黑龍池闊蓄雲腴，七佛分香繞御廚。
散作甘霖滿三晉，不知飛下紫金盃。

南臺錦繡浩無垠，日菊金蓮盡擁輪。
插箭嶺高遙望處，大荒浩浩出麒麟。

明月香泉玉液淳。

璇輿禮佛幾回經，花鬘瓔珞雙天女。
跪進琉璃百寶瓶。

金剛窟接秘魔匡。

睿藻紛綸點染皆，授筆詞臣廣和遍。
山花山鳥洽。

宸懷

獻壽山靈色色新
天花萬朶茁和春

皇躬親採

萱闈進頌得餘香及侍臣

去日金溝柳葉開
丁香花發待歸來
絲綸行記分箋寫
羣羨鄒枚作賦才

桃李花開凍不凝
枝枝湧出萬年冰
七芳圖派傳家學
小試丹鉛

染刺藤先黃門夫子
有七芳圖冊

陳治泉司馬移樽三樹軒
邀同吳松亭舍人暨同館施小鐵姜杜獬王松菴李玉溪
豪飲分韻得不字

新雨颯然來
朱陽破炎鬱
好鳥嚶其鳴
庭柯交芬菲
司馬磊落人踪跡
追蓬蔚叩門
移樽榼招客
集簪紱把臂情
已傾放談口
忘吃

吾曹俱健者，盛氣不相屈。分曹興飛揚，枯腸起魁崛。渴虹倒筵垂，長鯨入手刺。拊戰駭殷鞞，長城偏師掘。角勝君皆然，鼓勇吾豈不。浩歌楚狂生，廿年太強倔。江海苦長飆，雷電走椎拂。論詩世外賞，結客杯中物。以茲獲英豪，不須繡齋佛。人生真意氣，百年一髮髻。何必夕共晨，然後解鬱怫。火雲西南張，變化歸悅歛。斜陽蕩郭門，車馬走空埒。秋場有聚散，壯懷豈羸詘。青天酒徒大，再向秋風乞。

重陽後十日偕諸君黑窯廠登高

欲登黃金臺，無由具車馬。欲尋漁陽城，安得攜杯斝。人傳黑窯廠，游讌盛都下。居民面鰲黑，所業盡陶冶。磴道踏煤炭，陀堆土窟。雖無拳石翠，稍避塵埽惹。但得遂登臨，襟懷藉傾寫。重陽計踰時，新霜下來寡。秋容淡平空，鳳城氣瀟灑。霞標彩舳棧，日耀黃鸞瓦。煙樹靄樓臺，旌旗幻丹赭。隔城一南眺，萬鏡籠大野。一痕國西山。

蠟魚出媯妣園柿肥可擘村醪濁堪瀉放眼乾坤寬何須眊聵打
齋雪景物多更約再游者

男姪

如泰

聲有普孫啓

沃

校字

裕幹

光